

**Resolución de 18 de xullo de 2019, da comisión de selección designada para cualificar o proceso selectivo para a selección e contratación entre os/as candidatos/as incluídos/as nas listas previas definitivas, da categoría de Enxeñeiro/a Técnico/a Forestal, perfil “Xestión de Actuacións”, nos ámbitos A Coruña, Lugo, Ourense, Pontevedra e Servizos Centrais, pola que se convoca á realización da proba teórica e se apertura o prazo para a presentación da documentación de Formación Profesional.**

A comisión de selección designada para cualificar o proceso selectivo para a selección e contratación entre os/as candidatos/as incluídos/as nas listas previas definitivas resultante do período de actualización de listas, na categoría de Enxeñeiro/a Técnico/a Forestal, perfil “Xestión de Actuacións”, nos ámbitos de A Coruña, Lugo, Ourense, Pontevedra e Servizos Centrais, e de conformidade co establecido nas bases xerais e específicas das que rexen o proceso, entre outros, **ACORDOU:**

**Primeiro.-Candidatos/as convocados/as da lista previa.**

A comisión de selección acordou convocar ó proceso selectivo a todos/as os/as candidatos/as que actualmente figuran admitidos nas listas previas definitivas, na categoría de Enxeñeiro/a Técnico/a Forestal, perfil “Xestión de Actuacións” nos ámbitos de A Coruña, Lugo, Ourense, Pontevedra e Servizos Centrais, maiores de 18 anos e que non excedan a idade máxima de xubilación forzosa a data da publicación das Bases Específicas II e que figuran relacionados no Anexo I desta resolución.

**Segundo.- Convocar á realización da proba teórica.**

De conformidade co disposto nas Bases Xerais 2.2.4.3, e nas Bases Específicas II 2.2 das que rexen o proceso, a proba teórica realizarase o **día 30 de xullo de 2019**, nas instalacións da **Escola Galega de Administración Pública** situadas na **Rúa de Madrid, nº 2 – 4, Santiago de Compostela**, en chamamento único que comezará ás 10:00 horas.

A proba teórica consistirá na realización dun exame tipo test que se valorará ata un máximo de 20 puntos, e cunha duración máxima de 1 hora, o seu contido é o determinado nas Bases Específicas II 2.2.1.

Os candidatos serán convocados en único chamamento, sendo excluídos os que non comparezan, non sendo os casos debidamente xustificadas libremente apreciados pola comisión de selección. O prazo para a presentación de xustificante será ata o día seguinte de celebración da proba. Non se admitirá recurso ao respecto das decisións da comisión de selección neste punto.

A orde de actuacións dos/as candidatos/as realizarase segundo o disposto no ANEXO desta resolución, comezando alfabéticamente por aquel/a cuxo primeiro apelido empece pola letra “Q”, de conformidade co establecido na resolución da Consellería de Facenda do 24 de xaneiro de 2019 (DOG do 05 de febreiro de 2019) e o disposto nas bases xerais que rexen os procesos, ao tratarse dunha proba a celebrar no ano 2019.

Non se permitirá no recinto onde se realice a proba o acceso e tenza de teléfonos móbiles, axendas ou demais dispositivos de carácter electrónico, ou calquera outro material ou instrumento. Advírtese que non haberá servizo de recollida do referido material, instrumento ou dispositivos.

A comisión de selección comprobará a identidade dos/as candidatos/as antes do inicio da proba, para o cal os/as candidatos/as deberán acudir provistos/as do DNI ou, no seu defecto, pasaporte ou carné de conducir orixinais, ou documento equivalente, sendo excluído/a igualmente quen non poida acreditar a súa identidade, ao xuízo da comisión de selección.

### **Terceiro.- Inicio do prazo de presentación de documentación.**

De conformidade co disposto nas Bases Específicas II apartado 1.3.2, das que rexen o proceso, acórdase a apertura do prazo de **3 días hábiles para a presentación da documentación** que se relaciona no apartado 2.3 das citadas bases (Formación Profesional) contados a partir do seguinte día hábil ao da publicación da presente resolución.

Esta documentación deberá presentarse:

- Nas oficinas de rexistro de Seaga, sitas no Polígono Industrial do Tambre, Vía Marconi, nº 14, 15.890 Santiago de Compostela - A Coruña, de luns a xoves, en horario de 09:00h a 14:00h e de 15:30h a 17:30h. e os venres en horario de 09:00h a 14:00 horas.
- Nas seguintes oficinas, de luns a venres, en horario de 09:00h a 14:00 horas:
  - Polígono do Ceao, Rúa dos Carros, parcela 17, 27003 Lugo.
  - Polígono de San Cibrao das Viñas, Sector C, Rúa Ricardo Martín Esperanza (Rúa 1), Parcela 1-G, Nave 3, 32911 San Cibrao das Viñas, Ourense.
  - Lg. Cabanas – Salcedo, 54. 36143 Pontevedra.
  - Estrada N. VI, Km. 581, 15640, Guísamo- Bergondo.

A presentación de documentación en oficinas distintas das anteriores non serán tidas en consideración para o proceso.

**O prazo de presentación de documentación finalizará o vindeiro 23 de xullo de 2019 inclusive.**

Santiago de Compostela, a 18 de xullo de 2019.

O Presidente da Comisión de selección.

Asdo.- Juan Vidán Estévez

